

եմ Ձեր գերազանցութիւնից տալ հարկ եղած անմիջական հրամանները ձեր  
գործառնութիւն՝ վերջ դնելու համար թշնամական գործողութիւններին :

Սպասելով ձեր պատասխանին՝ խնդրում եմ ընդունել խորին յարգա-  
նացս հաւաստիքը :

24 յունիսի 338

1920

Թիւրք Մեծ Ազգային Ժողովի

Արտաքին գործերի կոմիտար Բէֆիբ Սամի

Այս նամակին մեր կողմից պատասխանեց հետեւեալը .

Սարիզամիշ, գնդ . Միրիմանեանին : Խնդրում է սոյն հեռագիրը  
ուղարկել օսմանեան տասնհինգերորդ գորարանակի հրամանատար Կարա-  
բեքիբ փաշայի միջոցով հետեւեալ հասցէին .

Անգորա . Թիւրք Ազգային Մեծ Ժողովի արտաքին գործերի վէֆի  
Մեծ Բէֆիբ Սամիին :

Հայաստանի հանրապետութիւնը իր հիմնելու օրից իսկ ձգտել է և  
այժմ էլ ձգտում է ստեղծել բարի դրացիական փոխյարաբերութիւններ իր  
հարեանների հետ և խաղաղ համակեցութիւն տեղական բոլոր ժողովուրդ-  
ների միջև : Հայաստանում լոյսալ մահմետական բնակչութիւնը միշտ օգտւել  
է և օգտւում է ներկայիս ևս պետութեան միւս քաղաքացիների համահաւա-  
սար իրաւունքներից : Սոյն հաւատարիմ քաղաքացիների կեանքն ու գոյքը  
միշտ պաշտպանւում է Հայաստանի կառավարութեան կողմից ամէն տեսակ  
չարամիտ փորձերի, ինչպէս նաև աւազակային յարձակումների դէմ, որոնք  
մեծ մասամբ կատարւում էին դրսից եկած աւազակային և խռովարար  
մուսուլման խմբերի կողմից : Սրանք առաջ էին բերում խռովութիւն և  
անիշխանութիւն տեղական մուսուլման ազգաբնակչութեան խաղաղ կեանքի  
մէջ :

Հայ գործերի վերջին ռազմական գործողութիւնները Օլթիի շրջանում  
նպատակ ունէին ազատելու հայկական հողամասը անիշխանական տարրերից  
և երբեք ուղղւած չէին մահմետական խաղաղ ազգաբնակչութեան դէմ : Օլ-  
թիի շրջանի վարչութիւնը այժմ նշանակւած է նոյն շրջանի մուսուլմաննե-  
րից :

Հայ ազգը ի վաղուց անտի ճիւղ է թափում անկեղծօրէն մէկլի թողնել  
այս մոռյլ անցեալը և ստեղծել բարի դրացիական յարաբերութիւններ  
Թիւրքիայի հետ : Հայաստանի և Թիւրքիայի միջև բարի դրացիական փոխ-  
յարաբերութիւնների վերահաստատումը ամբողջովին կախւած է Թիւրք  
ղեկավարների ընթացքից, որոնք պէտք է մի անգամ ընդ միշտ ճանաչեն հայ  
ազգի իրաւունքները ամբողջական Հայաստանի սահմանների վերաբերմամբ  
և վերջ դնեն Հայաստանի Հանրապետութեան սահմաններում իրենց ազէնտ-  
ների գործունէութիւններին :

Ձեր Մեծ Ազգային համաժողովը Անգորայում հաստատեց Տաճկաս-  
տանի հայկական վիլայէթներում Հայաստանի անկախութեան իրաւունքը,  
և եթէ դրանով Թիւրք ազգը ճանաչում է լիովին Հայաստանի օրինաւոր  
իրաւունքները յիշեալ սահմաններում, ապա, ուրեմն, հայ ազգը կունենայ  
հիմք Թիւրքիոյ և Հայաստանի միջև կանոնաւոր փոխյարաբերութիւններ  
հաստատելու : Քարտուղար Տէր-Յակոբեան . 30 յունիսի 1920 թ . » :

Այս նամակին ի պատասխան ստացւեց հետեւեալ հեռագիրը .